

貞觀四年九月廿二日

太政官符

應准雜米未進數沒郡司職田直事

右得尾張國解備檢案內中島郡貞觀四年違期未進糯米五斗三升五合、稗子三升四合、胡麻子一升、荏子二斗五升、准直稻一十九束一把四分、其代被沒郡司職田直稻五百六十八束、如今未進數少所沒斯多、加之郡司除職田之外亦無所納、而依少奪多、愁訴寔深、望請准未進數沒件職田直、謹請官裁者、右大臣宣、依請、自餘諸國亦宜准此、

貞觀七年八月一日

〔三代實錄清和〕貞觀十二年十二月廿五日壬寅制、中略諸國雜交易物有未進者、准未進之數沒郡司

職田直、

〔延喜式仁部〕凡諸國春米運京者、伊勢、近江、丹波、播磨、紀伊等國、二月卅日以前、尾張、參河、美濃、若狹、

越前、加賀、丹後、四月卅日以前、但馬、因幡、美作、備前、讚岐、六月卅日以前、備中、備後、安藝、伊豫、土佐、八月

卅日以前、並送納訖、若有未進者、准數奪專當郡司職田直、若不足者、亦沒國司公廩、

〔續日本後紀仁明〕承和十五年嘉祥元年二月壬子、陸奧國磐瀨郡權大領外從七位下丈部宗成等特給

職田、以視民有方、公勤匪懈也、

〔三代實錄清和〕貞觀七年三月廿二日癸卯、以筑前國水田三十町、充對馬島上縣下縣兩郡司統領職

田、

〔三代實錄清和〕貞觀十一年七月廿七日癸未、加置美作國苦東苦西二郡司職田十町、

〔續日本後紀仁明〕承和六年三月丙申、停給內外權任郡司職田、

〔延喜式仁部〕凡權任郡司、不給職田、但太宰府書生帶郡司者、不在此例、